

Dienelkander



Nuusbrief van die Gereformeerde Kerk Potchefstroom-Oos

7 Julie 2013

OGGENDDIENS: ds Karel

Skriflesing: Lukas 9:57-62

Tema: Dink voor jy volg!

Het ons dit nie dalk, so deur die eeu, te maklik gemaak om `n Christen te wees nie? Ons sê dikwels dat jy bloot net moet bely dat jy in Jesus glo en dat jy dan `n gelowige is, maar ons vra bitter min wat dit beteken om te beLY! Jesus Christus leer ons egter iets heeltemal anders in hierdie gedeelte waarna ons geluister het. Volgens Hom moet jy weggee, opoffer, sekere goed agterlaat as jy agter Hom wil aangaan. Dit is `n lewe van selfopoffering en selfverloëning om die koninkryk van God hier en nou te leef en jy kan nie in Jesus Christus wil glo, sonder om die koninkryk van God te leef nie.

Voorafsang

Lied 190:1, 2, 3 en Lied 175:1

Ontmoetingsdiens

Intreelied: Ps. 42-1:1, 5; Votum; Seën; Loflied Ps. 150-1:1, 2, 3; Geloofsbelijdenis Sing: Sb. 12-2:1, 2, 3 en luister na verse 4 en 5

Verootmoedigingsdiens

Wet: Matteus 22:34-40; Antwoord op die wet
Lied 203:1, 2, 3

Woorddiens

Gebed; Skriflesing; Lied na Skriflesing:
Ps. 119-1:39, 63; Prediking; Gebed

Antwoorddiens

Liefdegawes; Gebed vir BNB; Slotsang
Ps. 84-2: 1, 2, 5; Seën; Sing Sb 13-2

AANDDIENS: ds Karel

Skriflesing: Johannes 16:5-15

Teks: Johannes 16:13

Tema: Heilige Gees, lei ons sodat ons nie in die versoeking sal kom nie!

Die sesde bede, "Laat kom ons nie in die versoeking nie, maar verlos ons van die bose...", is `n besonderse gebed. Dit is `n gebed spesifiek vir die werk van die Heilige Gees in ons, die kerk, se lewe. Dit is `n gebed vir bewaring van buite, binne en onder - die wêreld, ons sondige geneigdheid en die duivel. Maar dit is ook `n gebed dat die kerk sal groei deurdat die Heilige Gees ons in die volle waarheid sal lei. Mag die rykdom van hierdie bede ons lewe as kerk stuur!

Voorafsang

Lied 205:1, 2, 3 en Sb. 7-2:1, 2

Ontmoetingsdiens

Intreelied Ps. 68-1:9, 15; Votum; Seën;
Lofsang Ps. 18-1: 15, 19, 20

Woorddiens

Gebed; Skriflesing; Sing Ps 31-2:2, 7;
Woordbediening.

Antwoorddiens

Gebed; Liefdegawes; Gebed vir BNB; Sing
Sb. 8-1: 1, 2; Seën; Amen; Sb 13-3

MEELEWING

- Lina Bezuidenhout (Wyk 28 - 072 418 0332) sterk nog aan.
- Harm Moraal (Wyk 10 - 073 944 0519) word steeds in Medi Kliniek behandel vir komplikasies na erge longontsteking.
- Tannie Hester Buys (Wyk 15 - 018 293 1574) het geval en moes 'n paar steke kry sy is reeds tuis om aan te sterk.

Ons bid dat die Here spoedig beterskap en herstel sal gee.

BAIE GELUK

Herman en Charlotte Henderson se dogter, Charlene het die afgelope week verloof geraak aan Char!

ONS VERWELKOM

Joubert Pretorius (073 903 3494) wat opgeneem word en Susan Lindeque (076 162 4431) wat met attestaat oorkom vanaf Geref. kerk, Groblersdal. Hulle is beide in wyk 12.

ONS GROET

Flip en Leana Mostert wat met attestaat vertrek na die Geref. Kerk, Potchefstroom.

ONS DINK OOK AAN DIE VOLGENDE LIDMATE WAT SUKKEL MET SIEKTE OF SWAK GESONDHEID

Br Hennie vd Berg, Sr Sannie Reyneke, Sr Filina Coetsee, Sr Marianne Kruger, Sr Bettie Ras, Sr Janet vd Walt en Sr Nella Swanepoel.

ONDERSTEUNING VIR SIEKES

Vir ondersteuning of besoeke deur die hospitaalbesoeke-diensgroep, skakel vir:

Anna Smith	082 765 9813
Marian de Kock	082 950 4358
Marique Reichel	082 657 4508
Annatjie Grobler	073 258 7833/ 018 290 9974

Marietjie Venter

082 852 6870/

018 290 6266

of e-pos siekes@oosdoppers.co.za

AFKONDIGINGS

Die volgende aktiwiteite vind DV hierdie week plaas:

Vandag

09:30 Gebedsgroep

10:00 Oggenddiens

Geen Kleuterbediening

Geen Katkisasie

Tee en koffie

18:00 Aanddiens

Donderdag

18:00 Kersmark-keuringskomitee

Saterdag

08:00 1ste Kersmark keuring

FACEBOOK

Ons herinner ons gemeente en jeug graag dat ons 'n "Facebook"blad het wat julle kan besoek. Gaan loer bietjie by <https://www.facebook.com/oosdoppers> en "like" ons bladsy.

VERJAARSDAE

Baie geluk aan almal wat DV dié week verjaar!

Sondag, 7 Julie

Br Andries Kruger	072 445 6601
Br Tom Larney	082 711 2502
Br JJ Coetzer	071 678 4054

Dinsdag, 9 Julie

Br Johnna Kruger	082 336 6898
Br Herman Fourie (76)	082 254 1773
Sr Elize Abrie	071 045 6317
Sr Magdaleen Venter (75)	082 921 3325

Woensdag, 10 Julie

Sr Jeanette Kruger	072 904 8875
Sr Marie Saaiman	082 532 8668
Jsr Marisna Maree	073 405 2121

Donderdag, 11 Julie

Br Harm Moraal	073 944 0519
Sr Cornelia Schreck	084 208 3465
Jbr Jason Olivier	083 286 3240

Vrydag, 12 Julie

Jsr Tina Buys	078 352 7351
---------------	--------------

Saterdag, 13 Julie

Jbr Jaco Visagie	079 933 0379
------------------	--------------

ANDER AFKONDIGINGS

- Liefdegawe vanoggend vir Barmhartigheid.

Die Diakonie ervaar 'n tendens van toenemende behoeftes by lidmate om finansiële ondersteuning. Kom ons wat genoeg van die Here ontvang, gee ruim met vrywillige harte om die Diakonie in staat te stel om die groeiende behoeftes te kan ontmoet.

- Gawe by die deure vanoggend vir Ekumenisiteit: Buitelands.
- Gawe volgende Sondag vir Pro Ecclesia-beursfonds.
- Vrywillige bydrae vir voertuigsekuriteit kan in die bussies by deure gesit word.
- Dienstbeurte: Wyk 19 en 20.

NAME WAT VOORGEHOU WORD TER APPROBASIE

Ouderlinge: Jan-Louis Coetzer, Nic Kotze, Sybrand vd Merwe, Wynand Scholtz.

Diakens: Marie du Plessis, Johan J v Ryssen, Deon Duvenage, Simon Korb, Phillip Venter.

Ons bid hierdie broers en susters die seën en leiding van die Here toe.

GASOUERS BENODIG

Van 11 Augustus tot 15 September 2013 (vyf weke) gaan ons as gemeente 'n Fokustyd neem om onself in te fokus op die beginsels wat ons as gemeente vir ons bediening neergelê het. Tydens die fokustyd gaan ons onder meer in Bybelstudiegroepe

saamdink oor die beginsels van ons nuwe bedieningstrategie.

Vir hierdie Bybelstudiegroepe gaan ons egter "gasouers" benodig om 'n Bybelstudiegroep te huisves. Die volgende gaan van hierdie gasouers gevra word:

- Stel jou huis vir vyf weke oop vir lidmate om saam met jou te groei in Bybelstudie.
- Koördineer die samekoms van die groep deur óf self die Bybelstudie te lei óf deur iemand te vra om die Bybelstudie te lei.
- Gee vir ons 'n foto van julle as gasouers, saam met 'n tyd wat julle die Bybelstudiegroep kan ontvang. Ons gaan hierdie foto saam met 'n lys in die Skuur opsit sodat die lidmate hulself kan indeel by verskillende groepe.
- Ds. Piet en Karel sal 'n toerustinggeleentheid reël om met die gasouers te praat oor die betrokke Bybelstudies en om enige vrae te beantwoord.
- Na die fokustyd ontbind hierdie Bybelstudiegroepe. Indien 'n groep egter sou wou voortgaan om weekliks bymekaar te kom, moedig ons dit sterk aan en sal die predikante behulpsaam wees met dit wat nodig sou wees.

Indien jy jou weg oopsien om as gasouer op te tree, gee asseblief jou inligting deur aan Adele by die kerkkantoor. Hierdie inligting moet ons asseblief voor **14 Julie 2013** bereik, sodat daar genoeg tyd is om behoorlike toerusting te gee.

KENNISGEWINGBORD

- Skoliekamp Gr 10-12 7 tot 12 Julie 2013.
- Riviertoer
- Studentewoonstel benodig

DANKIE

Baie dankie aan lidmate wat gereeld die diakonie se koskas ondersteun. Daar is 'n aantal gesinne wat weekliks 'n pakkie kos kry, daarom bly u ondersteuning vir die koskas baie belangrik!

UIT DIE PEN VAN JOHN STOTT

Na aanleiding van verlede Sondagoggend se preek, het een van die lidmate hierdie besonderse uiteensetting van 2 Korintiërs 8 en 9 vir ons aangestuur. Hierdie uiteensetting kom uit 'n boek van John Stott, naamlik The Grace of Giving. Ten Principles of Christian Giving:

1. Christelike vrygewigheid is 'n uitdrukking van die genade van God - 2 Kor 8: 1 - 6.
2. Christelike vrygewigheid is 'n gawe van die Gees: 8: 7.
3. Christelike vrygewigheid word deur die kruis van Christus geïnspireer: 8: 8, 9.
4. Christelike vrygewigheid is proporsioneel gee: 8: 10 - 12; Hand 11: 29; Hand 2: 45; 2: 32 e.v.
5. Christelike vrygewigheid dra by tot gelykheid, ewewig, eenheid: 8:13 - 15.
6. Christelike vrygewigheid moet noukeurig beheer word: 8: 16 - 24; 1 Kor 16: 3.
7. Christelike vrygewigheid kan deur matige kompetisie gestimuleer word: 9: 1 - 5.
8. Christelike vrygewigheid kan vergelyk word met saai en oes: 9: 6 - 11a; 1 Kor 16: 1-3; Ps 112: 9.
9. Christelike vrygewigheid het simboliese betekenis: 9: 13; Efes 3: 1 - 9; Rom 15: 15 - 28.
10. Christelike vrygewigheid werk dankbaarheid teenoor God: 9:11b-15.

BALLADE VAN DIE BOEKEVAT

Aan die tambotietafel, keurig gedek
met gestyfde linne onder die stam -
vaderlike oë teen die muur, het ek

Sy Naam leer ken. Uit die groot Boek

by die lispeI van die brandende kers,
het die woorde my bespring, gesoek

- wasig soos die damp bo die sop;
- intens soos die vlam van 'n helder herfs;
- skitterend soos 'n dawidster op my voorkop.

Knus gemantel in die pepermuntkoel
van Pa se stem, het God gepráát.

En vasgenael op die punt van my stoel

het ek luisterleeg die Woord gerepeteer:

"in uw hart zijn ... inscherpen ... als gij
op den weg gaat ... binden op uwe hand ...

Leer

en vra, en antwoord, voordat ons hande
vat, ons vingers soos 'n paternoster
string. Ons dra diè kosbaar band,

die patent van ons hele bestaan
aan U Vadertroon op. die weeklank
van die orrel laat my weerloos staan ...

- Ansie du Plessis -

PROJEKTE

BILTONGKUIERAAND 26 JULIE 2013

Ons jaarlikse **Biltongaand** vind Vrydag 26 Julie plaas en ons doen 'n beroep op al ons susters en broeders om jouself as gasvrou / gasheer beskikbaar te stel. Die Biltongaand was nog altyd een van die lekkerste byeenkomste op ons Oosdopperkerkkalender en beloof om weer 'n heerlike, gesellige kuieraand te wees.

Indien u bereid is om as gasvrou op te tree of as u enige navrae het - skakel gerus met enige van die volgende susters:

Rieëtte Venter: 082 898 4197
Susan Steyn: 079 595 1502
Em Volschenk : 082 564 1940

SUSTERS



TEESKINKGELEENTHEID

Tee word vandag bedien deur wyke 16, 17 en 18 in die Skuur. Baie dankie vir die dames wat help met die skink en opwas! Geen poeding tot na die vakansie!

TOKTOKKIE

Lieve susters, dit is weer Toktokkie-tyd. Baie dankie aan die wyksusters wat help om bydraes hiervoor in te samel. Die wyksusters wat nog nie hul Toktokkie-koeverte ontvang het nie kan dit asb so gou moontlik by Marianne Fourie afhaal. Baie dankie vir u getroue ondersteuning!

Marianne Fourie

BAIE DANKIE AAN ONS BORG VAN DIE WEEK!

 <p>Kerkstraat 199 Potchefstroom Tel: 297 7247 Elke dag oop tot 20:30</p>	<p>ESTÉE LAUDER ORLANE PARIS</p> <p>PAYOT PARIS</p> <p>Kanebo</p> <p>ROC</p> <p>REVLON</p> <p>GREEN + CROSS</p>
---	--

Kom ons praat oor die preke

Wat was onduidelik in die preek?

Wat, in die Skrifgedeelte, verstaan jy nie?

Waarin verskil jy met die prediker in die uitleg van die teks?

Watter vrae het by jou opgekom toe jy die Skrifgedeelte gelees en na die preek geluister het?

Waarom sal dit vir jou moeilik wees om die boodskap in jou lewe toe te pas?

Oor watter Skrifgedeeltes of tema's sal jy graag 'n preek wil hoor?

NAAM EN VAN: _____ **KONTAKNOMMER:** _____

